

藥盦醫學叢書之三

傷寒論輯義按卷四

武進惲鐵樵著

辨陽明病脉證并治

受業
江陰巨膺章壽楨
武進衡之徐銓
參校

問曰。病有太陽陽明。有正陽陽明。有少陽陽明。何謂也。答曰。太陽陽明者。脾約_{原注}。云絡。一。是。也。正陽陽明者。胃家實。是。也。少陽陽明者。發汗利小便已。胃中燥煩實。大便難。是。也。玉函。二少陽字。並作微陽。無煩實字。云脾約。一作脾結。千金翼同。柯氏刪此。

條。案。玉函。無煩實二字。似甚允當。

鑑云。陽明可下之證。不止於胃家實也。其綱有三。故又設問答以明之也。太陽之邪。乘胃燥熱。傳入陽明。謂之太陽陽明。不更衣無所苦。名脾約者。是也。太陽之邪。乘胃宿食。與燥熱結。謂之正陽陽明。不大便。內實滿痛。名胃家實。



南京中医药大学图书馆版权所有

者是也。太陽之邪已到少陽。法當和解。而反發汗。利小便。傷其津液。少陽之邪復乘。胃燥轉屬陽明。謂之少陽陽明。大便澀而難出。名大便難者。是也。

錢云。太陽陽明者。太陽證猶未罷者。若發汗。若下。若利小便。亡津液。而胃中乾燥。大便難者。遂爲脾約也。脾約以胃中之津液言。胃無津液。脾氣無以轉輸。故如窮約。而不能舒展也。所以有和胃潤燥之法。正陽陽明。乃熱邪宿垢。實滿於胃。而有盪滌之劑。少陽陽明。以少陽證。而發其汗。且利其小便。今胃中之津液乾燥而煩。是少陽之邪併歸於胃。故曰燥煩實。實則大便難也。其治當與太陽陽明之脾約不遠矣。

汪云。愚以大抵太陽陽明。宜桂枝加大黃湯。正陽陽明。宜大柴胡湯。此爲不易之法。

鐵樵按。如金鑑說。第三條少陽陽明有疑義。因少陽爲病。照例不能汗吐下。少陽而誤用汗吐下。其流弊不止。胃中燥煩實。大便難。因病從太少兩陽傳。



陽明爲順傳。少陽而汗下分利爲誤治。誤治者逆不能得順傳之結果。從錢氏說。謂少陽陽明之燥煩實治法與太陽陽明脾約不遠。則何取分太陽少陽。從汪說桂枝加大黃恐亦不免紙上談兵。不必能施諸實用。故陸九芝陽明病釋謂此節言其人未病時津液素虧。而陽王者爲巨陽。因病中發汗利小便。虧其津液而致陽王者爲微陽。若其津液旣非素虧。又非誤治所虧。而病邪入胃。以致胃燥者爲正陽。故所謂太陽者巨陽也。所謂少陽者微陽也。非三陽經之太陽少陽也。今按凡患熱病。僅有風寒而無食積者。若其人非虛體。復無其他弱點。則往往雖發熱。不致病仲景云。傷寒二三日。陽明少陽證不見者。爲不傳也。即是此種。吾故曰。單絲不成線。凡風寒感受於外。食積應之於內。因有外感消化失職。因有食積發熱愈甚。二者交相濟惡。則當熱病初起。便非單純太陽。如此者。其病殆無不傳。然若不經誤治。則爲順傳順



南京中医药大学图书馆版权所有

傳則化。熱化熱則陽明。凡若此者。其病胃實。所謂正陽陽明胃家實者是也。若病在太陽。其人之秉賦爲陰不足。陰不足者不任熱。熱則化燥。燥則不復口。中和且洩少便難。初起雖惡寒。旋卽惡寒罷而惡熱。是則因有本來之弱點。而病傳者。所謂太陽陽明脾約者是也。其少陽陽明由於發汗利小便。則由於服藥時去液過多。而化燥者較之太陽陽明有自然非自然之辨。故別之曰少陽陽明。準此以談。則陸氏所說爲是。其他注釋爲非。然吾猶疑之。

吾所以疑者。不止各家之註釋。而在傷寒論之本文。此爲第一百八十三節。爲陽明篇開卷第一節。第一節而如此措辭。是綜論陽明之爲病循繹語氣。當爲全篇之總綱。曰太陽曰正陽曰少陽。而以病有兩字冠首。是必陽明病不出此三種。而後可今觀脾約胃實。胃燥實只說得陽明府證。并未及陽明經證。是此三者不足爲陽明篇之綱領也。漢晉文字與後之所謂古文者略。



異其總綱與條目原不必分條承接然詳觀以後各節有相應者有不相應者相應者什一不相應者什九既什九不應何取乎有此一節然則所爲太陽陽明少陽陽明可於議論上壯觀瞻而已於病理乃無當要領吾將認此一節爲徒亂人意之文字

陽明之爲病胃家實

原注作寒。玉函以此條冠本篇之首是也。成本無是字。

柯云陽明爲傳化之府當更實更虛食入胃實而腸虛食下腸實而胃虛若但實不虛斯爲陽明之病根矣胃實不是陽明病而陽明之爲病悉從胃實上得來故以胃家實爲陽明一經之總綱也然致實之由最宜詳審有實于未病之先者有實于得病之後者有風寒外束熱不得越而實者有妄汗吐下重亡津液而實者有從本經熱盛而實者有從他經轉屬而實者此只舉其病根在實耳案陽明提綱與內經熱論不同熱論重在經絡病爲在表此



南京中医药大学图书馆版权所有

經裏證爲主。裏不和。卽是陽明病。是二經所由分也。 方云。實者。大便結爲
鞭滿。而不得出也。作於遲早不同。非日數所可拘。

鐵樵按此節柯氏所釋各種致實之由。極爲允當。並云與內經熱論不同。則
未允治。曰。裏不和。卽爲陽明病。亦不爲圓滿之論。讀者詳觀前後拙按自明。
問曰。何緣得陽明病。答曰。太陽病。若發汗。若下。若利小便。此亡津液。
胃中乾燥。因轉屬陽明。不更衣。內實大便難者。此名陽明也。玉函。也有病字

•千金翼。衣
下有而字。

成云。本太陽病不解。因汗利小便。亡津液。胃中乾燥。太陽之邪入腑。轉屬陽
明。古人登廁必更衣。不更衣者。通爲不大便。不更衣。則胃中物不得泄。故爲
內實。胃無津液。加之蓄熱。大便則難。爲陽明裏實也。 汪云。或問。太陽病若
下。則胃中之物已去。縱亡津液。胃中乾燥。未必復成內實。余答云。方其太陽



初病時下之不當。徒亡津液。胃中之物依然不泄。必轉屬陽明。而成燥糞。故成內實之證。

總病論曰。更衣卽登廁也。非顏師古注漢書更衣之義。集驗方之說。今見外臺五痔論。挺出妨于更衣。更衣出清血。以故知之。集驗方之說。今見外臺五痔論。鐵樵按。陽明病只是勝復。若云必汗下分利。而後成陽明病。正未必然。縱經文如此說。亦不可泥。謂有因汗下分利。太陽病而轉屬陽明者。則可。

問曰。陽明病外證云何。答曰。身熱汗自出。不惡寒。反惡熱也。

玉函。千金翼。反

上有但字

汪云。上言陽明病。係胃家內實。其外見證。從未言及。故此條又設爲問答。夫身熱與發熱異。以其熱在肌肉之分。非若發熱之翕翕然。僅在皮膚以外也。汗自出者。胃中實熱。則津液受其蒸迫。故其汗自出。與太陽中風。汗雖出而



能透故其出甚少亦有異此條病則汗由內熱蒸出其出必多而不能止也。不惡寒者邪不在表也反惡熱者明其熱在裏也傷寒當惡寒故以熱爲反。夫惡熱雖在內之證其狀必見於外或揚手擲足進去覆蓋勢所必至因外以徵內其爲陽明胃實證無疑矣尙論篇以此條病辨陽明中風證兼太陽若以其邪猶在於經大誤之極大抵此條病乃承氣湯證 柯云四證是陽明外證之提綱故胃中虛冷亦得稱陽明病者因其外證如此也 丹云案方氏魏氏金鑑並以此條證爲陽明病由太陽中風而傳入者非也。

鐵樵按此卽現在所根據以認識陽明病者身熱汗自出反惡熱不惡寒陽明經府之所共也若問何故云反惡熱曰反字對汗自出句言汗自出則表虛也表虛爲陽虛當惡寒而乃不惡寒而惡熱故云反惡熱若問何故汗自出不惡寒反惡熱曰傷寒之爲病爲寒邪襲人太陽爲寒所傷故曰傷寒寒



南京中医药大学图书馆版权所有

爲陰邪陽爲寒傷是爲陰勝陰勝故無論已發熱未發熱必惡寒體工之公
例苟未至於死有勝必有復陰勝則陽復陽復則發熱故人之傷於寒也則
爲病熱勝以漸者復亦以漸人之傷於寒也恒先不適數日故於其復也雖
發熱仍有數日之惡寒傷於風者則不然風爲陽邪故始雖惡寒一二日卽
惡寒罷而惡熱矣但惡熱不惡寒是爲陽勝陽勝則陽盛自傷寒至於發
熱發熱而惡寒爲太陽病至惡寒既罷其爲一段落自不惡寒而惡熱爲別
一段落因別名之曰陽明病陽明者盛陽也故撮要言之傷寒之已化熱不
惡寒者謂之陽明此爲根據內經根據全部傷寒論而得之簡明正確的陽
明界說而一八八條之脾約燥煩實云云吾則疑之以太陽上中兩篇病理
爲例覺太陽下篇與陽明篇及後之三陰皆非仲景之原文也

問曰病有得之一日不發熱而惡寒者何也答曰雖得之一日惡寒

將自罷。卽自汗出而惡熱也。發熱。玉函。作惡熱。

千金翼。發上無不字。

周云案承上言雖云反惡熱亦有得之一日而惡寒者曰此尙在太陽居多耳若至轉陽明未有不罷而惡熱者。程云陽明惡寒症是帶表。至於府病不惟不惡寒且惡熱表罷不罷須於此驗之故從反詰以辨出。丹云案無熱惡寒發于陰此云不發熱而惡寒恐不得爲陽明內實之證。玉函作惡熱似是極。

鐵樵按此卽傷寒之中風症亦卽我所謂傷寒系之風溫症。陸九芝認此稱爲連白虎而叱溫病條辨溫熱經緯之非余病其未能將與傷寒互濫之濕喝病溫病主用葛根芩提出分別論治爲一大缺點故明此種曰傷寒系之風溫以清界限爲近頃最多最習見之熱病今按此條與第一條脾約胃實燥煩實三個陽明無干是不相應也。

問曰惡寒何故自罷答曰陽明居中主土也萬物所歸無所復傳始



雖惡寒二日自止。此爲陽明病也。

成本。玉函。千金翼。無主字。

鑑云。此釋上條陽明惡寒自罷之義。陽明屬胃居中土也。土爲萬物所歸故邪熱歸胃則無所復傳。亦萬物歸土之義。陽明初病一日雖仍惡寒。是太陽之表未罷也。至二日惡寒自止。則是太陽之邪已悉歸併陽明。此爲陽明病也。柯云。太陽病八九日。尙有惡寒証。若少陽寒熱往來。三陰惡寒轉甚。非發汗溫中。何能自罷。惟陽明惡寒未經表散。卽能自止。與他經不同。始雖惡寒二句。語意在陽明居中句上。夫知陽明之惡寒易止。便知陽明爲病之本矣。胃爲戊土。位處中州。表裏寒熱之邪。無所不歸。無所不化。皆從燥化而爲實。實則無所復傳。此胃家實所以爲陽明之病根也。

鐵樵按。土爲萬物所歸。甚費解。無所復傳云云。因熱病化熱化燥之後。只是熱不退。而漸漸胃實。其時間恆甚長。故曰無所復傳。若其末路神昏譖語揚



手擲足則病爲傳腦。雖其時仍是胃家實。不得謂之不傳。

本太陽初得病時。發其汗。汗先出不徹。因轉屬陽明也。

方云。徹除也。言汗發不對病不除也。此言由發太陽汗不如法。致病入胃之

大意。程云。汗出不透。則邪未盡出。而辛熱之藥性反內留。而助動燥邪。因

轉屬陽明。辨脉篇所云。汗多則熱愈。汗少則便難。是也。魏云。太陽初受風

寒之時。發其汗。而汗終出不徹者。則在表之邪。亦可以日久變熱於外。內鬱

之熱日久。耗津於內。汗雖出未太過。而津已坐耗爲多。其陽盛津亡。大便因

鞭。轉屬陽明。無二也。丹云。案太陽中篇。第四十八條。二陽併病。太陽初得

病時。發其汗。汗先出不徹。因轉屬陽明。云云。正與此條同義。

鐵樵按。此條之意義。若病在太陽時。汗出能徹。病便愈於太陽。不澈。乃轉屬

陽明證之實驗。甚確無誤。但與卷首脾約等三個陽明。又了不相涉。



傷寒發熱無汗嘔不能食而反汗出濶濶然者是轉屬陽明也。

傷寒二字。玉

函。千金翼。作二病字。

成云。傷寒發熱無汗嘔不能食者。太陽受病也。若反汗出濶濶然者。太陽之邪轉屬陽明也。經曰。陽明病法多汗。錢云。寒邪在表。則發熱無汗。寒邪在胸。則嘔不能食。皆太陽寒傷營之表證也。程云。反汗出濶濶然者。知大便已結燥於內。雖表證未罷。已是轉屬陽明也。濶濶連綿之意。俗云汗一身不了。又一身也。

鐵樵按。傷寒則胃不能消化。能消化則降。不能消化則逆。逆故嘔。此爲表證未罷。兼見裏證之病。若熱聚於裏。則溫溫欲吐。若裏熱蒸發。則汗出。汗出則胃中燥而結。前者爲陽明經證。後者爲陽明府證。此所謂濶濶然汗出。轉屬陽明者。乃陽明府證之初步也。



傷寒三日陽明脉大。

鑑云。傷寒一日太陽。二日陽明。三日少陽。乃內經言傳經之次第。非必以日數拘也。此云三日陽明脉大者。謂不兼太陽陽明之浮大亦不兼少陽陽明之弦大。而正見正陽陽明之大脉也。蓋由去表傳裏。邪熱入胃。而成內實之診。故其脉象有如此者。

鐵樵按。當陽明字斷句。參觀藥盦醫案陶寶寶案。

傷寒脉浮而緩。手足自溫者。是爲繫在太陰。太陰者。身當發黃。若少便自利者。不能發黃。至七八日。大便鞭者。爲陽明病也。

程云。脉浮而緩。是爲表脉。然無頭痛發熱惡寒等外證。而只手足溫。是邪不在表而在裏。但入裏有陰陽之分。須以小便別之。小便不利者。濕蒸瘀熱而發黃。以其人胃中原來無燥氣也。小便自利者。胃乾便鞭而成實。以其人胃

中本來有燥氣也。病雖成於八九日。而其始證。却脉浮而緩。手足自溫。則實是太陰病轉屬來也。既已轉繫陽明。其脉之浮緩者。轉爲沈大。不必言矣。而手足之溫。不止溫已也。必濶然微汗出。蓋陰證無汗。汗出者。必陽氣充於內。而後溢於外。其大便之實可知也。丹云。案太陽篇云。傷寒脉浮而緩。手足自溫者。繫在太陰。太陰當發身黃。若小便自利者。不能發黃。至七八日。雖暴煩下利。日十餘行。必自止。以脾家實腐穢當去故也。當與此條互攷。

鐵樵按。陽黃之病。皆膽汁混入血中所致。膽居肝短葉內。膽汁司消化。從輸膽管達十二指腸。與胰腺分泌物合營爲消化最重要之區。肝藏之膽囊爲其源。十二指腸爲其委。無論源或委。及輸胆管有異常時。皆能發黃。傷寒之發黃。頗類西醫籍所謂急性熱性黃疸。蓋疸病之慢性者。多不發熱。傷寒之黃。則因熱也。發熱之疸病。多便閉溲難。脾藏腫大。與本條繫在太陰身當發。



南京中医药大学图书馆版权所有

黃小便自利者不能發黃之說正合。

傷寒轉繫陽明者其人濶然微汗出也。

玉函。作濶。濶然。千金翼。轉作傳。
方本。喻本。魏本。亦作濶。濶然。程

本。此條接
上爲一條。

汪云此承上文而申言之上言傷寒繫在太陰要之既轉而繫於陽明其人外證不但小便利當濶然微汗出蓋熱蒸於內汗潤於外汗雖微而府實之證的矣。

陽明中風口苦咽乾腹滿微喘發熱惡寒脉浮而緊若下之則腹滿小便難也。

知云此言陽明兼有太陽少陽表邪卽不可攻也陽明中風熱邪也腹滿而喘熱入裏矣然喘而微則未全入裏也發熱惡寒脉浮而緊皆太陽未除之證口苦咽乾爲有少陽之半表半裏若誤下之表邪乘虛內陷而腹益滿矣。



兼以重亡津液故小便難也。丹云案下條云陽明病能食者爲中風金鑑則云陽明謂陽明裏證中風爲太陽表證非也。又云案此條常器之云可桂枝麻黃各半湯又小柴胡湯汪氏云以葛根湯爲主加黃芩等涼藥以治之。金鑑云太陽陽明病多則以桂枝加大黃湯兩解之。少陽陽明病多則以大柴胡湯和而下之。若惟從裏治而遽下之則表邪乘虛復陷故腹更滿也。裏熱愈竭其液故小便難也。

鐵樵按陽明中風卽吾所謂傷寒系之溫病而兼見太陽少陽症者既兼見太陽少陽症何以不謂之三陽合病而曰陽明中風此條與一九二條相應雖云脉緊惡寒不過一日惡寒將自罷卽自汗出而惡熱也。按脉浮而緊是無汗者所以定爲陽明中風者蓋中風與傷寒之辨不僅在脉緊無汗脉緩有汗其最要之關鍵在內經定冬之熱病爲傷寒春之熱病爲中風臨診時

